

幾同分謂五內有色界與彼自識等境界故
幾彼同分謂彼自識空時與自類等故

大乘廣五蘊論

大乘五蘊論

世親菩薩造 唐三藏法師玄奘奉 詔譯

如薄伽梵略說五蘊 一者色蘊 二者受蘊 三
者想蘊 四者行蘊 五者識蘊

云何色蘊謂四大種及四大種所造諸色云
何四大種謂地界水界火界風界云何地界
謂堅強性云何水界謂流濕性云何火界謂
溫燥性云何風界謂輕等動性云何四大種
所造諸色謂眼根耳根鼻根舌根身根色聲
香味所觸一分無表色等云何眼根謂色爲
境清淨色云何耳根謂聲爲境清淨色云何
鼻根謂香爲境清淨色云何舌根謂味爲境
清淨色云何身根謂所觸爲境清淨色云何
爲色謂眼境界顯色形色及表色等云何爲

聲謂耳境界執受大種因聲非執受大種因

香及所餘香云何爲味謂舌境界甘味醋味

鹹味辛味苦味淡味云何名爲所觸一分謂身境界除四大種餘所造觸滑性澀性重性輕性冷飢渴等云何名爲無表色等謂有表

業及三摩地所生色等無見無對

云何受蘊謂三領納一苦二樂三不苦不樂樂謂滅時有和合欲苦謂生時有乖離欲不苦不樂謂無二欲

云何想蘊謂於境界取種種相

云何行蘊謂除受想諸餘心法及心不相應

尽七

十六

行云何名爲諸餘心法謂彼諸法與心相應彼復云何謂觸作意受想思欲勝解念三摩地慧信慚愧無貪善根無瞋善根精進輕安不放逸捨不害貪瞋慢無明見疑惑覆惱嫉慳詭諂憍害無慚無愧惛沉掉舉不信懈怠放逸忘念散亂不正知惡作睡

眠尋伺

是諸心法五是徧行五是別境十一是善六是煩惱餘是隨煩惱四是不決定

云何爲觸謂三和合分別爲性云何作意謂能令心發悟爲性云何爲思謂於功德過失及俱相違令心造作意業爲性云何爲欲謂

於可愛事希望爲性云何勝解謂於決定事即如所了印可爲性云何爲念謂於慣習事

令心不忘明記爲性云何三摩地謂於所觀事令心一境不散爲性云何爲慧謂即於彼擇法爲性或如理所引或不如理所引或俱非所引

云何爲信謂於業果諸諦實中極正符順心淨爲性云何爲慚謂自增上及法增上於所作罪羞耻爲性

云何爲媿謂世增上於所作罪羞耻爲性云何無貪謂貪對治令深厭患無著爲性云何無瞋謂瞋對治以慈爲性

尽七

十七

云何無癡謂癡對治以其如實正行為性

云何精進謂懈怠對治心於善品勇悍爲性
云何輕安謂麁重對治身心調暢堪能爲性
云何不放逸謂放逸對治即是無貪乃至精進依止此故捨不善法及即修彼對治善法云何爲捨謂即無貪乃至精進依止此故獲得所有心平等性心正直性心無發悟性又由此故於已除遣染汙法中無染安住云何不害謂害對治以悲爲性

云何爲貪謂於五取蘊染愛耽著爲性云何爲瞋謂於有情樂作損害爲性云何爲慢所謂七慢一慢二過慢三慢過慢四我慢五增上慢六卑慢七邪慢云何慢謂於劣計己勝等計己勝或於勝計己等心高舉爲性云何慢過慢謂於勝計己勝心高舉爲性云何我慢謂於五取蘊隨觀爲我或爲我所心高舉爲性云何增上慢謂於未得增上殊勝所證

法中謂我已得心高舉爲性云何卑慢謂於多分殊勝計己少分下劣心高舉爲性云何邪慢謂實無德計已有德心高舉爲性云何無明謂於業果及諦實中無智爲性此復二種所謂俱生分別所起又欲纏貪瞋及欲纏無明名三不善根謂貪不善根瞋不善根癡不善根云何爲見所謂五見一薩迦耶見二邊執見三邪見四見取五戒禁取云何薩迦耶見謂於五取蘊隨觀爲我或爲我所染汙慧爲性云何邊執見謂即由彼增上力故隨觀爲常或復爲斷染汙慧爲性云何邪見謂或謗因或復謗果或謗作用或壞善事染汙慧爲性云何見取謂即於三見及彼所依諸蘊隨觀爲最爲上爲勝爲極染汙慧爲性云何戒禁取謂於戒禁及彼所依諸蘊隨觀爲清淨爲解脫爲出離染汙慧爲性云何爲疑謂於諦等猶豫爲性諸煩惱中後三見及疑惟分別起餘通俱生及分別起

云何爲忿謂遇現前不饒益事心損惱爲性
云何爲恨謂結怨不捨爲性云何爲覆謂於
自罪覆藏爲性云何爲惱謂發暴惡言尤蛆
爲性

云何爲嫉謂於他盛事心妬爲性云何爲慳
謂施相違心恪爲性云何爲誑謂爲誑他詐
云何爲嬾謂於所作事心不勤爲性云何爲慳
謂施相違心恪爲性云何爲惱謂發暴惡言尤蛆
爲性

現不實事爲性云何爲詭謂覆藏自過方便
所攝心曲爲性云何爲憍謂於自盛事染著
倨傲心恃爲性云何爲害謂於諸有情損惱
爲性

云何無慚謂於所作罪不自羞耻爲性云何
無愧謂於所作罪不羞耻他爲性云何惛沉
無悶謂於所作罪不羞耻他爲性云何惛沉

謂心不調暢無所堪能蒙昧爲性云何掉舉
謂心不寂靜爲性云何不信謂信所對治於
業果等不正信順心不清淨爲性云何懈怠
謂精進所治於諸善品心不勇猛爲性云何
放逸謂即由貪瞋癡懈怠故於諸煩惱心不
防護於諸善品不能修習爲性云何失念謂

染汙念於諸善法不能明記爲性云何散亂
謂貪瞋癡分心流蕩爲性云何不正知謂於
身語意現前行中不正依住爲性

云何惡作謂心變悔爲性云何睡眠謂不自
在轉心極昧略爲性云何爲尋謂能尋求意
言分別思慧差別令心麤爲性云何爲伺謂
能伺察意言分別思慧差別令心細爲性

云何心不相應行謂依色心心法分位但假
建立不可施設決定異性及不異性彼復云
何謂得無想等至滅盡等至無想所有命根

衆同分生老住無常名身句身文身異生性
如是等類

云何爲得謂若獲若成就此復三種謂若種
子若自在若現前如其所應云何無想等至
謂已離偏淨貪未離上貪由出離想作意爲
先不恒現行心心法滅爲性云何滅盡等至
謂已離無所有處貪從第一有更求勝進由
止息想作意爲先不恒現行及恒行一分心

冬七

十九

心法滅爲性云何無想所有謂無想等至果無想有情天中生已不恒現行心心法滅爲性云何命根謂於衆同分中先業所引住時決定爲性云何衆同分謂諸有情自類相似爲性云何爲生謂於衆同分中諸行本無令有爲性云何爲老謂即如是諸行相續變異爲性云何爲住謂即如是諸行相續隨轉爲性云何無常謂即如是諸行相續謝滅爲性云何名身謂諸法自性增語爲性云何句身謂諸法差別增語爲性云何文身謂諸字爲性以能表彰前二種故亦名爲顯由與名句爲所依止顯了義故亦名爲字非差別門所變易故云何異生性謂於諸聖法不得爲性如是等類已說行蘊

云何識蘊謂於所緣境了別爲性亦名心意由積集故意所攝故最勝心者謂阿賴耶識何以故由此識中諸行種子皆積集故又此行緣不可分別前後一類相續隨轉又由此

故從滅盡等至無想等至無想所有起者了別境名轉識還生待所緣緣差別轉故數數間斷還復轉故又令生死流轉旋還故阿賴耶識者謂能攝藏一切種子故又能攝藏我慢相故又復緣身爲境界故即此亦名阿陀那識能執持身故最勝意者謂緣阿賴耶識

尽七

升

爲境恒與我慢我癡我見及我愛等相應之識前後一類相續隨轉除阿羅漢果及與聖道滅盡等至現在前位問以何義故說名爲蘊答以積聚義說名爲蘊謂廿相續品類趣處差別色等摠略攝故復有十二處謂眼處色處耳處聲處鼻處香處舌處味處身處觸處意處法處眼等五處及色聲香味處如前所說所觸一分言意處者即是識蘊言法處者謂受想行蘊無表色等及與無爲云何無爲謂虛空無爲非擇滅無爲擇滅無爲及真如等云何虛空謂若容受諸色云何

非擇滅謂若滅非離繫此復云何謂離煩惱對治而諸蘊畢竟不生云何擇滅謂若滅是離繫此復云何謂由煩惱對治故諸蘊畢竟不生云何真如謂諸法法性法無我性問以何義故名爲處耶答諸識生長門義是處義

復有十八界謂眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界眼等諸界及色等諸界如處中說六識界者謂依眼等根緣色等境了別爲性言意界者謂即彼識無間滅等爲欲顯示第六意識及廿一
盡七廣建立十八界故

如是色蘊即十處十界及法處法界一分識蘊即意處及七心界餘三蘊及色蘊一分并諸無爲即法處法界問以何義故說名爲界性自相義故說名爲界

問以何義故宣說蘊等答爲欲對治三種我執如其次第三種我執者謂一性我執受者我執作者我執

復次此十八界幾有色謂十界一少分即色蘊自性幾無色謂所餘界幾有見謂一色界幾無見謂所餘界

幾有對謂十有色界若彼於是處有所障礙是有對義幾無對謂所餘界

幾有漏謂十五界及後三少分由於是處煩惱起故現所行處故幾無漏謂後三少分幾欲界繫謂一切幾色界繫謂十四除香味鼻舌識幾無色界繫謂後三幾不繫謂即彼無

漏界

幾蘊所攝謂除無爲幾取蘊所攝謂有漏幾善幾不善幾無記謂十通三種七心界及色聲法界八無記

幾是內謂十二除色香味觸及法界幾是外謂六即所除

大乘五蘊論

幾有緣謂七心界及法界少分心所有法幾無緣謂餘十及法界少分
幾有分別謂意識界意界法界少分
幾執受謂五內界及四界少分謂色香味觸
幾非執受謂餘九四少分
幾同分謂五內有色界由與自識等境界故
幾彼同分謂即彼自識空時與自類等故

大乘五蘊論

大乘廣五蘊論
筌七全反
逗音豆
年一靈遘古候反
遇也
接音縹疎
青白
大乘

筌
反
全
迫
音豆
留
御
寓
下
与緇
衣
上
深
側持
反
斂
也
許
六
反
一
積
舟
舟

大乘五蘊論

纖	下音接	繻	下音接	小反	正大披反
溫燥	下乾	大乘	五蘊論	青白色	不正大也
串習	上乾俱患反	酢	醋字掉舉	反	反
尤蛆也	下音哲也	勇	悍猛也	振	徒弔
毒也	左怒	耽	丁音汗	希	亡
蛆也	下音告反	慢	貪也	望	下音
尤	下音據反	也	舍	反	
		厘	經音		

論